



KABINET DIREKTORA

88000 Mostar, Dubrovačka bb.
Tel. +387 36 445 670
Fax.+387 36 445 693
email:ured.direktora@fzmiopio.ba
71000 Sarajevo,Ložionička 2.
Tel. +387 33 723 125
Fax.+387 33 723 200

BROJ: FZ1/3-4-7-437-2/24
Sarajevo, 24.07.2024. godine.

BOSNA I HERCEGOVINA
Federacija Bosne i Hercegovine
Parlament Federacije Bosne i Hercegovine
Zastupnički/Predstavnički dom
Hamdije Kreševljakovića 3, 71000 Sarajevo
n/r Izmir Hadžić, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 25-07-2024

Org. jed.	Broj	Priloga	Vrijednost
05/2	-02-	338	/24

Predmet: Izjašnjenje, dostavlja se

Veza Vaš broj: 05/2-02-338/24 od 13.06.2024. godine.

Povodom Vašeg akta, broj i datum veze kojim tražite da Vam se u vezi sa inicijativom delegata u Domu naroda Parlamenta Federacije BiH, Azhara Sejarića, upućenoj Federalnom ministarstvu za pitanja boraca i invalida odbrambeno-oslobodilačkog rata, kojom traži da se omogući prijevremeno penzionisanje maloljetnika-dobrovoljaca koji su dali ogroman doprinos u odbrani BiH, odnosno da se za navedenu populaciju omogući penzionisanje po osnovu 50 godina starosti bez obzira na radni staž, dostavljamo izjašnjenje kako slijedi:

Članom 4. Zakona o organizaciji penzijskog i invalidskog osiguranja Federacije Bosne i Hercegovine (»Sl. novine FBiH«, broj: 32/01 i 18/05) propisano je da Federalni Zavod obavlja slijedeće poslove:

- obavlja poslove iz penzijskog i invalidskog osiguranja u skladu sa ovim zakonom, Zakonom o penzijskom i invalidskom osiguranju, drugim zakonima i svojim Statutom;
- Pikuplja doprinose za penzijsko i invalidsko osiguranje i isplaćuje penzije,
- Provodi postupak za ostvarivanje prava iz penzijskog i invalidskog osiguranja,
- Posluje sredstvima imovinom Federalnog zavoda,
- Obavlja druge poslove u skladu sa zakonom, Statutom i drugim općim aktima.

U poglavlju II Statuta Federalnog zavoda za penzijsko/mirovinsko i invalidsko osiguranje ("Službene novine Federacije BiH", broj: 38/03, 86/15 i 07/24), regulisano je pitanje nadležnosti, prava, obaveze i odgovornosti Federalnog zavoda, te je članom 4. Statuta propisano da Federalni zavod organizuje i provodi penzijsko i invalidsko

osiguranje dok član 5. stav (1) Statuta propisuje da Federalni zavod, pored poslova utvrđenih zakonom, obavlja slijedeće poslove:

- osigurava zakonitost u ostvarivanju prava iz penzijskog i invalidskog osiguranja i pruža stručnu pomoć osiguranicima i korisnicima prava,
- odlučuje u prvom i drugom stepenu upravnog postupka u ostvarivanju prava i obaveza iz penzijskog i invalidskog osiguranja,
- osigurava provođenje penzijskog i invalidskog osiguranja primjenom međunarodnih ugovora o socijalnom osiguranju,
- provodi postupak u ocjenjivanju radne sposobnosti u penzijskom i invalidskom osiguranju,
- vodi odgovarajuće evidencije o osiguranicima i korisnicima prava iz penzijskog i invalidskog osiguranja, te provodi statistička istraživanja,
- vodi informacijski sistem koji osigurava obavljanje aktivnosti Federalnog zavoda,
- prikuplja sredstva za penzijsko i invalidsko osiguranje iz drugih izvora, bez zaduživanja Federalnog zavoda, upravlja i posluje tim sredstvima,
- donosi opća akta za provođenje penzijskog i invalidskog osiguranja,
- vrši programiranje i planiranje razvoja sistema penzijskog i invalidskog osiguranja i Federalnog zavoda,
- obavlja i druge poslove u provođenju penzijskog i invalidskog osiguranja.

Stavom (2) istog člana propisano je da Federalni zavod osigurava pružanje usluga osiguranicima i korisnicima prava u Federaciji Bosne i Hercegovine, putem svojih organizacionih jedinica.

Federalni zavod je javna ustanova koja djeluje u skladu sa propisima koji regulišu rad ustanova, te obzirom na naprijed citirane odredbe nije nadležan da pokreće inicijative i prijedloge za usvajanje zakonskih propisa i izmjena zakonskih propisa, a u vezi sa ostvarivanjem prava iz penzijskog i invalidskog osiguranja, već isključivo provodi propise usvojene od strane zakonodavnog tijela u oblasti penzijskog i invalidskog osiguranja.



DIREKTOR

Halil Subašić, Mr. iur.